

Kev Pab Thiab Cuab Yeej Rau Cov Pej Xeem

Nyob Zoo Rau Cov Sib Koom Tes Sib Pab,

Kuv cia siab tias tsab ntawv sau email ntawm no los ntsib koj los koj tseem noj qab nyob zoo rau lub sijhawm uas tsis paub yuav zoo li cas. Peb coob leej yeej xav txhawb cov tsev neeg rau lub sijhawm muaj cov kab mob COVID-19, thiab feem ntau yog rau lub sijhawm uas tsev kawm ntawv kaw tag ces menyuam kawm tsis tau ntawv thiab tsis muaj lwm cov kev pab uas tseem ceeb.

Yuav kom pab rau cov koom haum uas sib koom tes, peb yeej muab cov kev pab txhawb cov tsev neeg uas muaj menyuam uas tsis kawm ntawv lawm thiab tau nyob rau tim tsev—kev pab xws li kawm hauv internet hu ua e-learning thiab txais tej yam tseem ceeb, xws li tau zaub mov noj.

Peb kuj muaj lub [webpage tshiab](#) kom sau tau cov lus txog cov kev pab no thiab yuav sau ntawv email tuaj tas li, xws li tsab no, mus rau cov muaj kev sib koom tes. **Tom qab no, koj yuav pom peb cov kev pab uas pab tau ntau tshaj uas peb tau tshawb rau lub lim tiam no.**

Peb xav kom koj muab cov lus no qhia rau cov tsev neeg uas koj pab. Thov mus saib ntxiv txog cov kev pab cuam uas yuav pab cov tsev neeg kom lawv txhawb tau lawv cov menyuam. Peb yeej paub tias nej yeej ua haujlwm nrog cov neeg uas tsis hais lus Aaskiv- Peb tab tom muab cov lus no txhais ua lus Mev, Hmoob, thiab Somali.

Cov chaw mus nqa khoom noj rau menyuam

Nej feem coob ua haujlwm rau cov tsev neeg uas tsis muaj khoom noj txaus. Tej zaum koj twb paub lawm, tsev kawm ntawv rau Minneapolis yeej muaj khoom noj rau tag nrho cov menyuam (18 xyoo rov hauv), txawm lawv mus kawm ntawv li cas. [Cov chaw muab khoom noj rau neeg qhia rau ntawm no.](#)

Rau cov tsev neeg uas nyob rau St. Paul, St. Paul Public Schools, cov tsev kawm ntawv los yeej muaj [cov chaw mus nqa khoom noj](#) rau thaum kaw tsev kawm ntawv.

Muab internet dawb rau cov tsev neeg

Comcast thiab USI Wireless pom zoo siv lawv cov wireless networks, pub dawb rau neeg siv:

- [Comcast yuav cia rau thawj ob lub hlis yog tsim nyog tau dawb](#) rau ib tsev neeg yuav internet (feem ntau yog \$9.95/rau ib hlis, tau ntxiv se).
- Rau cov yuav siv cov USI Wireless, yog nyob rau City of Minneapolis Public Wifi cov network (yog nyob ze li 50-yard ntawm tus USI Wireless antenna, ces yuav tau cov signal zoo txaus los mus siv tau cov Chromebook).

Kev pab rau cov tsev neeg los ntawm lub xeev

[Cov kev pab qhia muaj yog](#) -- tau muab koj los qhia cov chaw pab los ntawm lub xeev cov koom haum, xws li los ntawm DEED, MDE, DHS, MDH, DHS, MHFA, tsev hais plaub, thiab tus Thawj Kws Lij Choj (Attorney General's office)—muaj lus qhia txog kev pab rau kev yuav khoom noj, vajtse, thiab kev poob haujlwm.

Thov qhia rau peb seb peb tseem yuav nrhiav los sis qhia txog lwm cov kev pab dab tsi ntxiv, thiab hu los sis sau ntawv rau peb vim peb yeej yog tau sib pab rau lub sijhawm zoo li no.

Thov kom nej yuav ntsib kev noj qab haus huv,

A handwritten signature in black ink, appearing to be the name "O. J. ...".

Osman Ahmed
Tus Thawj Coj Rau Kev Koom Tes Rau Cov Koom Haum
(Director of Community Partnerships)

Lus Ntxiv. Yog tias muaj cov tsev neeg (los sis yog koj) xav paub txog yuav nrog cov menyuam tham li cas txog cov kab mob COVID-19, [lub site no](#) tau muab txhais ob peb hom lus.

greatmnschools.org

1330 Lagoon Ave, 4th floor | Minneapolis, MN 55408



Peb Chaw Nyob Thiab Xov Tooj Rau Nej Hu Tuaj

1330 Lagoon Ave
4th floor
Minneapolis, MN 55408
(612) 314-5596